



Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum, quàm recentiorum placitis complectentia. Opus methodo novâ, & clarâ in tres digestum Partes ... accuratè, ac copiosè instructae

De Beneficiorum Ecclesiasticorum Natvra, Ereptione, Qvalitatibvs Ad Ea Obtinenda Requisitis ...

Leuren, Peter

Coloniæ Agrippinæ, 1704

157. An, & quæ solennitates, aliâque servanda requirantur ad constitutionem novarum parochialium cum illa dismembratione antiquarum.

[urn:nbn:de:hbz:466:1-74477](https://nbn-resolving.org/urn:nbn:de:hbz:466:1-74477)

sumptione auctoritatis papalis nullius temporis cursus sufficit, nisi probata ipsius Papæ scientia circa talem dismembrationem. Lott. n. 44. citans Menoch. & alios plures. unde quod Barb. l. 1. *juris Eccl. c. 20. n. 19.* ait, & pro hoc citat quàmplures: Superioris auctoritate & consensu ex lapsu temporis præsumi erectam parochialem, quando in illa divina officia sunt celebrata, intelligendum ad summum credo de parochia erectâ abique tali dismembratione.

Quæstio 157. An, & quæ solemnitates aliæque servanda præter dictas causas requirantur ad constitutionem novarum parochialium cum dicta dismembratione?

1. **R**espondeo primò: requiri certas solemnitates, dum dismembratio & constitutio novæ parochialis fit per Ordinarium (secus dum fit à Papa, ejusdem auctoritate suppleente solemnitatem. Corrad. n. 4.) proceditur namque in tali negotio dismembrationis tanquam in specie formalis alienationis, rigerosè; ideoque requiritur copulativus concursus justæ causæ & solemnitatis. Card. de Luc. de paroch. d. 35. n. 6.

2. Respondeo secundò: ex Corrad. n. 5. servanda esse sequentia, ob quæ & similia non servata sæpe hujusmodi erectiones pro invalidis declaratas esse, habet experientia eodem Corrado teste, primò: ut Episcopus inquireat, an dictæ causæ sufficientes hic & nunc verè adsint v. g. an prima Parochialis tam sit ampla, ut tempore hyemali ob inundationes & nives parochiani non possint sine magno incommodo congruis temporibus adire parochiam; nam ut addit Lott. loc. cit. n. 33. hujusmodi causæ veritas non debet dependere ex assertione partium vel etiam ipsius Episcopi, aut alterius dismembrationem autorizantis, sed de ea debet positivè constare ex processu desuper facto. de Luca. de Paroch. d. 35. n. 6. etsi non scrupuloso & juxta juris subtilitatem, sed simpliciter, ut dicitur in una *Tolet. parochialis. de Madrito 19. Novemb. an. 1601.* sufficit tamen pro verificatione causæ accessus Ordinarii ad locum, illiusque inspectio. ut Lott. n. 36. ex *Lapo alleg. 66. n. 7.*

3. Secundò: ut hac inquisitione factâ Episcopus consentiat novæ parochialis exstructioni juxta *c. nemo. de consecra. d. 1.*

4. Tertio: ut exquiratur & prabeatur consensus Rectoris prioris parochialis. Ab. in *cit. c. ad audiens. Card. de Luca. de paroch. d. 35. n. 6. Lott. l. 1. q. 28. n. 6. & seq.* Secus ac requiritur ejus vocatio & consensus in unione Ecclesiæ. Lott. *ibidem. n. 7.* citans *Imol. n. 12. Anch. n. 5. Gl. V. vocatus. & alios in Clem. si una. de rebus Ecclesiæ non alien.* unde & in literis expeditis super dismembratione à Cancellaria apponitur clausula: *vocatis vocandis*; vi cuius Rectori permittitur appellatio, ita ut, si intra decennium datum ad appellandum procedatur ad executionem, ea sit nulla. Lott. *loc. cit. n. 8. & 9.* requiritur autem hæc vocatio non tantum ob ejus interesse; quippe cui grave per talem dismembrationem seu alienationem partis inferitur præjudicium. Lott. *ibidem.* cum communi; sed tanquam forma inducta ad rigorem juris observandum in favorem publicum, ne Ecclesiæ depauperentur, ut dicitur in *alia Tolet. parochialis. de Madrito. de 1. Febr. an. 1602.* apud Corrad. *loc. cit.* quod tamen postremum negat Lott. n. 11. & 12. cum id non dicatur in

cit. c. ad audientiam; & si id verum, Episcopus etiam cum causa non posset procedere ad dismembrationem Rectore invito, porro sufficere pro validitate dismembrationis, si superveniat talis consensus, putat Lott. *ibid.* citans Innoc. in *c. dudum de rebus Ecclesiæ non alienandis. in 6. n. 3.* ac ita per supervenientem hunc consensum tractatui, si quis prærequiritur, in quo deliberatum, num oporteat fieri dismembrationem ob utilitatem Ecclesiæ, alienatio convalescat propter utilitatem Ecclesiæ ex nunc, non ex tunc. Lott. n. 14. & 15. citans Gl. in *cit. c. dudum. V. tractatus.* sufficit etiam hic consensus ex antè, vel ex post præbitus, etiam si scripto expressus non sit; secus ac contingit in decreto superioris alienationem necessariò precedente, quod scripturam exigit. Lott. n. 13. citans Innoc. non tamen sufficit hunc consensum esse tacitum & implicitum. Lott. *ibid. n. 15.* citans Glossam in *c. dudum.* & ita decisum à Rota. Venique Rector beneficii, cuius hic consensus requiritur, non est Vicarius; cui solum curæ exercitium commissum, sed penes quem residet cura habitualis. Lott. n. 18. & seq. Et ubi est capitulum non sufficit consensus singulorum de Capitulo, sed requiritur consensus capitulariter. Lott. n. 21. citans Felin. in *c. cum omnes. de constit. n. 24. & 28. Rotæ decis. 344. p. 1. in recent. n. 6.* ubi verò vacaret Ecclesiæ dismembranda, debet in ordine ad hunc effectum illi deputari ab Episcopo defensor, qui corrumpi nequeat, cuius sit disquirere de legitimitate & veritate causæ. Lott. n. 22. citans Gl. in *c. dudum. v. defensore.* De cetero consensus patronorum minimè requiritur, vel curatur. Lott. *num. 23.* citans latè sic decisum à Rota.

5. Quarto: ut curato prioris parochialis compensetur id, quod illi detrahitur, ut commodè valeat in prima Ecclesiâ habere sustentationem juxta *c. ad audientiam.*

6. Quintò: ut curato prioris Ecclesiæ servetur jus patronatus, seu jus præsentandi Rectorem novæ Ecclesiæ, idque quasi in recompensationem aliquam; quod tamen intelligendum ait Corrad. secundum Abb. in *cit. c. ad audientiam*; ubi Ecclesiâ antiqua contulit aliquid de suo pro dote Ecclesiæ noviter erectæ; ac ita acquiritur jus patronatus Ecclesiæ matri, ejusque Rectori, non verò hujus Rectoris consanguineis. Lott. n. 47.

7. Sextò: ut pro facultate loci competens honor matri conservetur juxta *c. ad audientiam.* nimirum aliqua pensatio arbitrio Episcopi moderanda, prout etiam ait Corrad. ex Lott. *loc. cit. n. 46. & seq.* eidem matri in signum subjectionis reservari possunt ea, quæ aliàs jure parochiæ in filialem transfunderentur, ut sunt jura sepultura, baptizandi.

8. Septimò: ut Rectori novæ Ecclesiæ pro illius sustentatione assignentur oblationes pro modo parochiæ dismembratæ, quo nomine etiam veniant decimæ, ita ut Ecclesiâ filialis habeat fundatam intentionem super perceptione decimarum contra Matricem, juxta Abb. in *c. cum contingat. de decimis. n. 8.* & plures Rotæ decisiones apud Corrad. verum hoc in defectu aliorum reddituum; dum enim dotata esset sufficienter nova Ecclesiâ, decimas deberi matri maximè accedente observantiâ, dicitur in *una Mediolanensi decimarum.* apud Corrad. cum certum sit, ut idè Corrad. n. 6. ipso jure non transferri in novam parochialem. Vide de hoc C. Luc. de decimis. *dis. 12. n. 2. & seq.* præclare differentem.

Quæstio